



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 11. De Christi agonia.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

3. Ita debemus exercitationibus nostris spiritualibus intenti esse, vt simul de salute proximorum solliciti simus, nostris cohortationibus alijsq; charitatis officijs illos adiuvando, vt Christus fecit Apostolis.

4. Vigilandum est in cordis & sensuum custodia, & sepe orandum, ne tentationibus victi fugiamus, quod discipuli Christi fecerunt.

5. *Non potuisti vna hora vigilare mecum?* Dicebat Petro Christus: Magnum dedecus & rubore dignum eorum, qui seruitutem Dei professi tepidi sunt & remissi: quando huius saeculi homines tot annos, imo tota vitam consumunt in offendendo Deo, vt pro praemio postmodum recipiant supplicia aeterna. At quos Dominus elegit: vt vna hora secum laborent, vt post det illis pro praemio regnum caelorum, sine cura sunt, somnum negligentiae suae dormientes.

6. Quanquam omnes, qui Deo negligenter seruiunt, in iustam incurrant reprehensionem; tamen qui alijs tum ad gubernationem, tum ad exemplum praepositi sunt, i) & grauius peccant, & acrius a Domino obiurgabuntur.

7. Cum oramus, exemplo Christi admodum nos deprimere debemus, agnoscentes indignitatem nostram. Oratio enim humiliantis se nubes penetrabit.



MEDITATIO XI. DE CHRISTI AGONIA. PUNCTA MEDITATIONIS.

Luc. 22. I Apparuit Angelus de caelo confortans eum.

II. Fa-

II. Factus in agonia prolixius orabat.

III. Factus est sudor eius, sicut gutta sanguinis decurrentis in terram.

FIGURA.

JACOB Patriarcha, veniente illi obuiâ *Gen. 32.*
fratre Esau, trepidus confugit ad oran-
dum Deum: qui misit Angelum, à quo
confirmatus est, cum diceret: Si contra
Deum fortis fuisti, quanto magis contra
hominem præualebis?

PROPHETIÆ.

Sicut aqua effusus sum, & dispersa sunt *Psa. 21.*
omnia ossa mea:

*Factū est cor meū tāquā cera liquecens; in
medio vētris mei aruit tāquā testa virt⁹ mea.*

*Vidi per noctem, & ecce vir ascendens su- *Zach. 1.*
per equum rufum, & ipse stabat inter mir-
teta, qua erant in profundo.*

DOCUMENTA.

1. **D**iscamus exemplo Christi, volunta-
tem nostram exuere, & eam penitus
transferre in voluntatem Dei. Discam-
mus & sensuum cupiditates vincere, easque
spiritui subijcere. Discamus in spiritualibus
necessitatibus refugere ad optimum Patrem
nostrum. Discamus denique in oratione con-
stantes esse, ut cum Christo digni habeamur
consolatione & confirmatione cœlesti.

2. Quanta molis fuit nostra redemptionis opus, quod potuit sanguinem illi exprimere, qui caelum & terram sustinet: at nos quantum parui illud facimus, quibus pro salute, saepe molestum est vel pedem de terra movere.

3. Si cruciatus huius vitae tanti sunt, ut illorum cogitatione Christo sudor cruentus effluerit: quo nos sudore sanguineo perfunderemur, si ex animo cogitaremus de ijs cruciamentis, quae vel apud inferos, vel in purgatorio parata sunt? quorum longe maior est acerbitas, quam omnium mundi cruciatuum.

4. Tantus debet esse noster in precibus ardor, ut flagranti desiderio pro Christi amore patiendi, & conformandi nos acerbae illius passioni, cum ipso etiam sudemus sanguinem.

5. Si Christus fortitudo Patris & agnus innocentissimus de sua felicitate securus, tamen imminentis mortis cogitatione, in tantas animi angustias & agoniam incidit: quos angores, quas agonias, nos in illo momento quo moriemur sustinebimus, cum sentiemus nos tam infirmos spiritu tam plenos peccatis & salutis incertos? Agamus ergo precibus quam ardentissimis cum Domino, ut in terribili illo transitu ab ipso adiumentum & solatium accipiamus, quemadmodum ipse accepit à Patre.

6. Christo orante apparuit Angelus confortans eum. Sic orantibus cum sensu pietatis & ardore, adsunt Angeli: & quanquam non semper quod petunt impetrant, quia forte non expedit, tamen Angelica consolatione non carent.

MEDI-